

Ullut erfalasulerfissat pillugit Namminersorlutik Oqartussat nalunaarutaat

Kalaallit Nunaata erfalasua pillugu Inatsisartut inatsisaanni nr. 6, 11. juni 1985-imeersumi § 2 naapertorlugu aalajangersarneqarput:

§ 1. Pisortatigoortumik ullut erfalasulerfissat, matumani kalaallit erfalasuata Erfalasutta pisortat illorsuini tamani amuneqarfissai ilanngussaq 1 naapertorlugu aalajangersarneqarput.

Imm. 2. Ilanngussaq 2 naapertorlugu ulluni erfalasulerfissani aalajangerneqartuni Erfalasorput allamik taarserneqarsinnaavoq taarserneqassallunilu.

§ 2. Erfalasoq siusinnerpaamik nal. 6:00 kingusinnerpaamillu nalunaaqutaq 9:00 amuneqassaaq aamma siusinnerpaamik nalunaaqutaq 17:00 kingusinnerpaamillu nalunaaqutaq 20:00 peerneqassaaq.

§ 3. Ulluni erfalasulerfinni erfalasoq qummut apissillugu amuneqassaaq, taamaattorli imm. 2 aamma 3 takukkit.

Imm. 2. Tallimannngortumi tannaartumi erfalasoq qiteqqusimassaaq, ullormi ulloq erfalasulerfissaq alla nalliunnersoq apeqqutaatinngu.

Imm. 3. Ullormi Danmarkip tiguagaaffiani, ulloq 9. april, erfalasoq nalunaaquttap 12.00 tungaanut qiteqqullugu amuneqassaaq, kingorna qummut apissillugu amuneqassaaq, taamaattorli imm. 2 takuuk.

§ 4. Nalunaarummi matumani ullut allat erfalasulerfusartut, assersuutigalugu ilagiinni nalliuttut imaluunniit pisut nalinginnaasumik erfalasulisaarfusartut mattunneqanngillat.

§ 5. Nalunaarut manna 1. aggusti 2025 aallarnerfigalugu atuutilissaaq.

Imm. 2. Peqatigisaanik Ullut erfalasulerfissat pillugit Namminersornerullutik Oqartussat nalunaarutaat nr. 26, 11. november 2008 atorunnaarsinneqarpoq.

Namminersorlutik Oqartussat, ulloq 11. juuli 2025

Jens-Frederik Nielsen (atsio.)

Naalakkersuisut Siulittaasuat

/ Simigaq Broberg (atsio.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut